

სანთელი

ვზივარ და შევჭვრეტ ჩემ დწინ სანთელსა,
რომელიც წედან უხვად ნათელსა
ჩემს ოთახს ჰფენდა და აშუქებდა
და თვალ-წინ ბნელსა განმინათლებდა;

აწ მიწურვილა გასაქრობლადა,
შანდილისა თავზე ძლივ-ძლივლა ბჟუტავს,
ხან ჩაქრება და ხან მნათობლადა
კვლავ შანდილიდამა წამოიხედავს...

ებრძვის სიკვდილსა ჩემი სანთელი,
მაგრამ მას, წყეულს, რა დაამარცხებს?
ლაჟვარდ ქმნილი სუსტი ნათელი
შანდილის ჯურღმულში თავსა ანარცხებს.

აგერ ოთახსაც ჩრდილმან დაჰკრა,
კედლებზე ძლივს სცემს ბნელადა შუქი,
აგერ სანთელიც შანდალში ჩაქრა...
რა დამრჩა მისგან? დ მწვარი პატრუქი.

ეგრეთაც კაცი ძლიერი ჰქრება,
რა ეწვევა მას სიკვდილი დ მტერი;
მშვენიერ არსის მაგიერ გვრჩება
ერთი მუჭა-ლა გამხმარი მტვერი.

16 დეკემბერი, 1857 წ.
პეტერბურგი.